

REGLUGERÐ FRAMKVÆMDASTJÓRNARINNAR (ESB) nr. 835/2012

2013/EES/28/28

frá 18. september 2012

um breytingu á reglugerð Evrópuþingsins og ráðsins (EB) nr. 1907/2006 um skráningu, mat, leyfisveitingu og takmarkanir, að því er varðar efni (efnareglurnar (REACH)) er snertir XVII. viðauka við hana (kadmíum) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB⁽¹⁾, einkum 131. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (ESB) nr. 494/2011 frá 20. maí 2011 um breytingu á reglugerð Evrópuþingsins og ráðsins (EB) nr. 1907/2006 um skráningu, mat, leyfisveitingu og takmarkanir að því er varðar efni (efnareglurnar (REACH)), er snertir XVII. viðauka við hana (kadmíum)⁽²⁾ er gildissviði takmarkana vegna kadmíums og efnasambanda þess breytt og ákvæði sett sem gilda um vir til brösunar og skartgripi í samræmi við áhættumatið og áætlanirnar um leiðir til að draga úr áhættu af völdum kadmíums og kadmíumoxíðs⁽³⁾
- 2) Með reglugerð (ESB) nr. 494/2011 voru gildandi takmarkanir á notkun kadmíums og efnasambanda þess í tilbúnum, lífrænum fjölliðum (plastefni) enn fremur rýmkaðar svo þær næðu yfir öll plastefni, en þar var þó kveðið á um undantekningu vegna notkunar endurunnsins pólývínýlklóríðs, sem inniheldur kadmíum, við framleiðslu

tiltekinna byggingarvara. Þessi undanþága var veitt að teknu tilliti til umfjöllunar sérstaks sérfræðingahóps um áhættustjórnunaraðgerðir samkvæmt reglugerð (EB) nr. 1907/2006 og niðurstaðnanna úr rannsókninni á félagslegum og hagrænum áhrifum mögulegrar endurskoðunar á takmörkunum á setningu á markað og notkun kadmíums í skartgripum, málmblendi til brösunar og pólývínýlklóríði, sem birtar voru í janúar 2010⁽⁴⁾. Haft var samráð við lögbær yfirvöld í aðildarríkjunum sem bera ábyrgð á framkvæmd reglugerðar (EB) nr. 1907/2006 og við hagsmunaaðila vegna allra þátta takmarkananna.

- 3) Í kjölfar samþykktar reglugerðar (ESB) nr. 494/2011 var framkvæmdastjórnin upplýst um notkun kadmíumlitarefna í tilteknum gerðum plastefna, sem samkvæmt reglugerð 494/2001 er takmörkuð í fyrsta sinn, en hentugir valkostir í stað notkunar á efnasamböndum kadmíums virðast ekki vera fyrir hendi og þá kosti er rétt er að meta frekar, vegna sérstakra aðstæðna og takmarkaðs samráðs.
- 4) Í ályktun ráðsins frá 25. janúar 1988 er mælt til þess að mótuð verði heildaráætlun um að verjast umhverfismengun af völdum kadmíums, m.a. tilteknar ráðstafanir sem takmarka notkun kadmíums og stuðla að þróun fleiri valkosta í stað notkunar á kadmíumi í litarefni og stöðgara og til húðunar og til þess að notkun á kadmíumi takmarkist við þau tilvik þar sem hentugir valkostir eru ekki fyrir hendi.
- 5) Framkvæmdastjórnin mun fara þess á leit við Efnastofnun Evrópu að hún taki saman málsskjöl í samræmi við 69. gr. REACH-efnareglunnanna, sem uppfylla kröfurnar í XV. viðauka, varðandi notkun á kadmíumi og efnasamböndum þess í þeim gerðum plastefna sem takmarkanir voru í fyrsta sinn settar fyrir með reglugerð (ESB) nr. 494/2011, að teknu fullu tilliti til ályktunar ráðsins frá 25. janúar 1988.

(*) Þessi EB-gerð birtist í Stjtið. ESB L 252, 19.9.2012, bls. 1. Hennar var getið í ákvörðun sameiginlegu EES-nefndarinnar nr. 71/2013 frá 3 maí 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 396, 30.12.2006, bls. 1.

⁽²⁾ Stjtið. ESB L 134, 21.5.2011, bls. 2.

⁽³⁾ Stjtið. ESB L 149, 14.6.2008, bls. 6.

⁽⁴⁾ http://ec.europa.eu/enterprise/sectors/chemicals/files/markrestr/study-cadmium_en.pdf

- 6) Þar til málsmeðferðinni varðandi takmarkanir er lokið skulu takmarkanir á notkun kadmíums og efnasambanda þess einskorðast við þær gerðir plastefna sem skráðar voru í 23. færslu í XVII. viðauka áður en reglugerð (ESB) nr. 494/2011 var samþykkt.
- 7) Með skírskotun til réttarvissu gildir þessi reglugerð frá og með 10. desember 2011.
- 8) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 133. gr. reglugerðar (EB) nr. 1907/2006.

SAMÞYKKT REGLUGERÐ ÞESSA:

1. gr.

Ákvæðum XVII. viðauka við reglugerð (EB) nr. 1907/2006 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þeim degi sem hún birtist í *Stjórnartíðindum Evrópusambandsins*.

Hún kemur til framkvæmda frá og með 10. desember 2011.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. september 2012.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Í XVII. viðauka við reglugerð (EB) nr. 1907/2006 er töflunni með heitum efna, efnaflokkum og blandna og takmörkunum breytt á eftirfarandi hátt:

1) Í stað fyrsta og annars undirliðar í 1. lið í öðrum dálki 23. færslu komi eftirfarandi:

	<p>„1. Ekki leyft til notkunar í blöndur og hluti sem framleiddir eru úr eftirfarandi tilbúnum, lifrænum fjölliðum (hér á eftir nefnd plastefni):</p> <ul style="list-style-type: none"> — fjölliður eða samfjölliður úr vínýlklóríði (PVC) [3904 10] [3904 21] — pólýúretan (PUR) [3909 50] — eðlislétt pólýetýlen (LDPE), að undanskildu eðlisléttu pólýetýleni sem notað er til framleiðslu litarefnablandna [3901 10] — sellulósaasetat (CA) [3912 11] — sellulósaasetatbútýrat (CAB) [3912 11] — epoxýresín [3907 30] — melamínformaldehýðresín (MF) [3909 20] — úreaformaldehýðresín (UF) [3909 10] — ómettaðir pólýesterar (UP) [3907 91] — pólýetýlenterepalat (PET) [3907 60] — pólýbútýlenterepalat (PBT) — glært/venjulegt pólýstýren [3903 11] — akrýlnítrímetýlmetakrílat (AMMA) — víxltengt pólýetýlen (VPE) — höggþolið pólýstýren — pólýprópýlen (PP) [3902 10] <p>Ekki skal setja blöndur og hluti sem tilgreind eru hér að framan og eru framleidd úr plastefni á markað ef styrkur kadmíums (gefinn upp sem kadmíummálmur) er 0,01% eða meiri miðað við þyngd plastefnisins.“</p>
--	--

2) Í 1. lið annars dálks 23. færslu bætist eftirfarandi undirliður við:

	<p>„Framkvæmdastjórnin skal, í samræmi við 69. gr. og eigi síðar en 19. nóvember 2012, fara þess á leit við Efnastofnun Evrópu að hún taki saman málsskjöl í samræmi við kröfurnar í XV. viðauka svo að hægt sé að meta hvort takmarka skuli notkun kadmíums og efnasambanda þess í plastefnum, öðrum en þeim sem tilgreind eru í 1. undirlið.“</p>
--	---